

宜城縣志

第一冊

卷一

凡例

圖

方輿志上

地26049

381

1118

地253

381

1118

同治五年重修

宜城縣志

本衙藏板

重修宜城縣志序



古者輔軒之使下探民風邑志  
志可由備也故有郡探風  
必自纂脩邑志始宜城為古  
郛名邑舊志脩自康熙二十  
二年迄今百有八十三載經

宜城縣志

卷一序

一

蠹蝕兵燹之始久矣蒐輯較  
事增多注之殘闕不可考邑  
前令蜀巴于君東番佐獲沈  
君愛暄曾懼舊典之漸湮  
也銳意延訪邑紳倡議網羅  
載供續纂舊志會者草創未

就而旋迫於量移他邑之被  
率以豫定中止邑志遂不果  
脩公

朝廷掃邊存氣

疆巨勦爵赫隆方率屏藩  
廣鎮外臺

宜城縣志

卷一序

二

諸執事彙纂楚北全省通志  
毅然以揚清激濁為正人心  
勵風俗之大原郡守承  
教條咸檄令可屬和令激文  
功敵勦成一邑志書以宣令典  
而宜城為襄陽郡南下邑地

祿繁劇吏治尤濇衝要則委  
可尔存物 嘉命予予以實  
季春權憲茲上甫下車即校  
童試法積牘之卷簿書叢  
集鞅掌兩道持督修邑志之  
檄因特檢閱前令議脩舊

志年多礙於年代湮遠故老  
無徵殊不能理泮之嘆既而  
訪得邑先紳耆廣文堂鄉民  
遺存採訪記今先乘公暇覽  
之喜其綜覈最舊志載出道先  
二十年止事較詳的其洞悉

長渠水利源流尤為曠以指  
掌洵是有裨邑志之纂脩良  
多也予何敢以公冗謝爰集邑  
紳合議增脩又因美錦字製  
加以性靈識淺邑小波繁不獲  
躬親感幸迺以其子寄之焉

宜城縣志

卷一

四

學博而送邑紳之流輕者  
治館自曰考訂續如采撫  
者蓋之闕者補之志務收實  
隱寓激揚蓋以閱月而志書  
於是乎始備性成將付剞劂  
邑人士傳以言弁志首序性

方輿營建之教列田賦規制  
之詳竅皆守條緝之常按  
圖可考邑人士輩生冠蓋蔚望  
涵濡

作人之雅化景仰先賢之芳躅必將  
山川滙靈人文素著與楚澤

宣城縣志

卷一

序

五

唐明堂邑同物

國書括紳收舉獨念邑志之有  
闕風教者首重因革大端移風  
易俗之權責專邑宰予愧躬  
膺司牧凡屬獎可昔年寧敢  
憚勞以忘民瘼出於興復水

利經理疆畝則又在乎土之宜  
揆時度勢申諭因地制宜  
之法而次第興利以錮於有  
成也予不敏也先盡厥職勝厥  
任使百廢俱舉以償士民願愧  
滋大矣然既深為士民籌設亦

宜城縣志

卷一序

六

序諸志以待後之令若土者

普

同治五年歲在丙寅仲冬既望  
署宜城知事程砥安撰



原序

志與史同皆不朽傳也楚自熊繹開疆華路藍縷幅  
頰雄盛峴山之南鄢邑實屏翰焉鄢居八省通衢牛  
山峙其西漢水滌其東北接鄖襄而南額荆郢凡山  
川分野土產人物風俗沿革無不備載於志列若鬚  
眉繡錯寰區觀風尚俗者一披閱之班班可考然則  
前人之紀載詳矣典章如在直與河圖洛書並傳非  
有待於後起者之踵事也然而時會鼎革陵谷變遷  
其存其廢有數存焉非人所敢知也余自壬戌夏奉  
命來宰鄢邑聚父老而詢夫誌僉曰兵燹後難劫頻經典  
宜城縣志

卷

章散落文獻無復有存焉者余慨然嘆曰天下事前  
人缺略而後人修明者莫此爲先竊有願而未逮也  
方今

天子車書允奠版圖宏開諸

憲臺考古聿新典章廓舊廋欲搜訪古蹟之存亡詳  
求人事之興替毅然續舊牒而訂新編憲檄屢下且  
夕董成余安得辭固陋而憚修輯也然修志於明備  
之日則詳而不略修志於鼎革之後則略而不詳所  
慮無本則無徵無徵則弗信夫志而無徵弗信奚可  
傳哉今於斷簡殘篇遍爲搜羅僅得遺志數帙未獲

全書參補而纂輯之甯真勿偽甯質無文甯簡勿繁  
甯本色勿假飾使上下數百年間鄙之人物風土披  
覽之如在目中宋玉作賦之才芳躅如睹也叔度汪  
洋之度懿範如存也杜康臺畔之醴泉如飲醅醪也  
龐公潛碩之逸德山高水長也於以追蹤曩哲昭示  
來茲何嘗不存什一於千百中以俟後之博雅君子  
起而修明之此余所以不辭固陋甯真也勿偽甯質

也勿文甯簡也勿繁甯本色也勿假飾以副

上臺徵志雅意不敢委實蹟於荒煙斷草中也若夫  
聞見所未逮典籍所不存姑闕焉不敢傳疑知我罪  
宜城縣志

卷一

原序

我又何遑計焉

康熙二十二年歲在癸亥南呂月之上浣宜城縣知  
縣古燕胡允慶瑞徵甫撰

採諮纂修縣志事實原啓

粵以法著僕區徵春秋於左氏書名檇杙方魯晉於子輿聽漁父之歌聲離騷漫作繼龍門之史筆通志適成雖小略大祥三楚不無信史而增新沿舊一方各有傳文若宜邑者地處偏隅時經兵燹典章莫據蒐輯罔聞相傳雖有陳編惜多模糊難辨可考豈無野史未免簡略弗詳方今率土同文徵獻章於郡國本縣倡捐重訂期採訪於芻蕘文無逞乎豔葩事惟期其詳慎爰咨爰度勿黨勿誣懿夫都邱名區肇開秦漢上洪古治啓自魏元星分翼宿十度之偏壤接

宜城縣志

于啓

漳棗五邑之界羣山羅列聳雞鳳於東南二水分流環漢夷於左右地當孔道水陸交衝勢若長城軍民雜處去江陵而遷鄢郢楚昭王曾此建都改驛道而徙城垣于節度於今爲烈黃童白叟丁男則富庶蜂屯華蓋朱軒甲第則聯翩鵲起家安儒素久稱樂善之鄉習尚女工更結永豐之社鍾赤山之靈秀代有名賢雖黑子之微區史多哲士是以上知天命共仰屈盧能作訓詞成推射父曲彌高而和彌寡宋玉之宏論堪垂內其祿而外其身莊善之忠言足錄向朗則竹林俱美而皓首校書馬良則華萼聯輝而白眉

稱嚴青鎖侍臣擢秋典而聽聰棘木秩宗世命任夏  
官而蔭指槐階副權酌之司課籌東楚膺撫綏之寄  
惠及西羌步日影於八磚清平獨賦膺雷封於百里  
先後爭榮品詣主璋丰姿龍鳳洵哉人文之數允矣  
史冊之光乃若行誼可風彙倫足裨表丹心於亘古  
忠傳絕命之辭奉白髮之高堂孝獲靈芝之應節則  
悲深寡鵠甘閉戶以辟纒義則曲罷求凰祇繙經而  
茹素觸石而山開數丈烈感天神撫孤而痛失雙明  
報徵科第交深編紉效管鮑而分金誼切墮篋走貢  
童而代戍饑阨必賑慨指子敬之困窮賤堪哀義焚

宜城縣志

卷心

于啓

二

孟嘗之券疇執干戈以衛社稷孰以匹夫而化鄉鄰  
苟其品詣之可嘉均宜訪求之勿憚至於詞章壽世  
藝業名家或理通洪範而語無艱深或賦託高唐而  
言歸諷諭或人欽雛鳳文有魯殿靈光或自謝真龍  
編有酉陽雜俎或清妍成韻著楊柳之宮詞或蒼秀  
構思傳栢梁之古體或字工草聖或畫倣雲林或技  
擅華陀或術高管輅或精筮短龜長之妙或識虎頭  
燕領之奇或繙貝而透禪宗或吞丹而通玄妙倘其  
高曾築殘厥有淵源雖在父老傳聞亦堪流播他如  
隱逸棲遲之地閭閻傳述之詞紫蓋黃鶯誰躡謝公

之履赤湖清水孰泛蘇子之舟煙雲繚繞木香村之  
別業誰開冠蓋連延泰山廟之石銘堪讀懷瀉于於  
善詭驛前信臣安在弔子胥於虛糧塚畔故壘猶存  
千頃長陂汪度空懷故塚一坏荒土糟邱徒剩荒臺  
數七十二塚於漢代野火螢燐拜二十八廟於元朝  
頽垣鴛瓦冽傳酒井其水猶香温有湯泉雖冬可浴  
衆魚占夢六櫓置縮項之鱖浮蟻興懷九醞擬富春  
之釀倘山川留覽曾經文人物產懋遷饒多清賞能  
不與雲夢瀟湘而並重羽毛齒革而俱謬也哉本縣  
籍隸西巴派分東海之三蘇之間學未遂鴻鶩綿駟  
宜城縣志

卷

于啓

三

馬之家聲僅登鸚薦苟

龍章於

楓陸揚激是司任繭障於棠封勸懲攸賴曩者北臨潑水  
茲復西代鄢城錢穀兵刑政事惟資文學獻章服物  
考訂足裨謀猷詳繹古編思備風謠之採輯成完帙  
莫遺月旦之評和親安平康樂彙爲一書德行孝友  
文章紀諸三管觀文成化無殊月言象魏之懸援古  
證今何妨風土人情之訛事關採錄開列必詳爰具  
咨陳蒐羅罔憚設局當梅花開候告成擬杏子熟時  
爰集衆以重編幸分門而來告營山于鼎培

鄆都採訪記序

嘗考修舉志乘歲不過三紀誠慮夫歷年  
太遠則蒐輯之力勞而遺佚之數多宜城  
古鄆都接壤荆郢襟帶漢蠻為襄南重鎮  
文獻夥頤掌故應無慮放失丁明季兵燹  
罹狂寇一十三隊甲去乙來罔歲文案炬  
焉一空古志遂爾幾如矣

國初燕北胡明府瑞徵公來令茲土奉上檄

宜城縣志

卷一

鄆都採訪記序

一

收殘拾燼百有二十日纂成縣志一書括  
以八志曰方輿曰建置曰食貨曰官職曰  
選舉曰人物曰災祥曰藝文部麗散目七  
十餘意皆仿效史例而為之往復披閱其  
考信之慎垂戒之殷允足為奕世津梁而  
體段疎畧時相牴牾不無遺憾焉夫以彈  
丸之地印合國款繁簡有無之數相去何  
啻天淵比而同之故有網不能攝目目不

必附網摭本無以牽湊沒應有而忽忘者然時際

**國**家定鼎四十年版圖宏開餘孽未靖勦辦滇藩逆黨軍務倥傯而方面制撫汲汲於車書之莫刻期董成以徵治譜於斯時也載籍莫校遺老無傳假令胡君當日稍得從容餘閒寬之以歲月博明備之典章搜度藏於巖穴哀故訂新用以彌縫其罅漏

宜城縣志

卷一

鄂都採訪記序

二

洗伐夫謾調酌史志之宜以正體例毋泥古也亦毋戾今書雖草創而式成莫刊吾知繼起而珥筆者且奉為指南而莫之或違奚慮人心之未厭耶今之去胡百有四十年矣修舉之數凡幾更間有經前令之採訪節次抄錄志尾者一見於雍正年之修道志再見於乾隆年之修府志又其近復見於嘉慶九年之修省志存什一於

千百邑事跡不盡無稽獨怪非此都完帙徒拾唾餘於他籍傳聞不真者有之語焉不詳者有之綜覈今昔制令之興革締造之修廢隲沔村汎之變遷懿德貞型之幽隱以及縣志類例指歸所不備孰任稗官孰司拾遺均待網羅而釐定焉較胡之日不更難乎邇來宰吾宜者或公冗未暇或議定終止將因仍闕畧而靡有窮期余心

馬傷之不量衰老謬以醯雞之學尺蠖之步耳治者有日自驗者有日簡筆策編歲十二稔而稿六七易彙騷都採訪記二十四條竊比於蟻知雨而馬識途非敢質諸當事聊以備家塾觀覽云爾爰述顛末為之序

道光二十年歲在庚子孟陬月雲衢魯桂元題於秋曉堂之修樂齋舍

邑先紳魯雲衢先生鄆都採訪記跋

文之有功於世教者 國史省志而外莫如邑志一書而邑志之蒐輯則首在採訪之周詳自來著述名家大抵皆草茅瓌璋雄奇博辯之才不獲以其文章報 國又懼文采無以自表於後世廼退而講求一邑之典故以備省郡採風之遺故特筆之於書垂諸不朽而其才徃徃不可多得今幸於鄆城前哲

魯雲衢先生得之先生性敦仁孝重廉節急公義峻丰裁而姿尤英異生平博洽羣書雅好遊覽山水茹古涵今以施爲藻蔚聞其叙年譜脩宗牒明古禮皆

宜城縣志

卷一

跋

四

井然有條文可傳世而所著鄆都採訪記全卷撰述舊聞而網羅散佚則尤有功世教之文也 國城秉鐸蒞鄆時甫下車問俗而 先生之次孫邑茂才魯君省三參軍執是編來鬻舍謁予陳覽因得廻環展誦詳悉 先生素所紀載翫縷如數家珍穆然爲之追慕者久之嗟乎 先生以名區之鴻文鉅手倘得遭遇盛時身躋通顯叨人

本朝掌故之府而修明

國史蒼萃名言上追漢唐以來馬班房虞温國紫陽諸作者豈不斌斌乎當代人文之蔚宗哉而乃不遇以